



UNIVERSITÄTS-  
BIBLIOTHEK  
PADERBORN

## **Universitätsbibliothek Paderborn**

**Acta Synodalia Osnabrvgensis Ecclesiæ, Ab Anno Christi  
MDCXXVIII.**

**Brogberen, Johannes**

**Coloniæ Agrippinæ, 1657**

Constitutionum Synodalium

**urn:nbn:de:hbz:466:1-14298**

posito & Domino Decano Cathedralis Ecclesiae, una cum mecum in mandatis dedit, ut, Celsitudinis Sua nomine, huic Synodo celebrandae praesideamus, eaque omnia faciamus, curremus & praestemus, fierique ac praestari curremus, quae ex jure & veteri ac laudabili more fieri debent ac confueverunt; prout in hanc rem Celsitudo Sua speciale mandatum clementissime est impertita, & singulares qualiter ordinationes, in hac Synodo promulgandas, simul transmisit.

Tradita deinde est Commissione Notario, quam is clara voce publice prelegit, tenoris subsequentis:

**F**RANCISCVS GUILIELMVS, Dei & Apostolicæ Sedis gratia Episcopus Osnabrugensis, Praepositus Ratisbonensis, Comes de Wartenberg, Dominus in Wald, &c. Venerabilibus, Nobilibus, atque doctissimo, devotè Nobis in Christo dilectis atque fidelis, Sixto à Liaukema, Theodoro Morrien, & Alberto Luccenio, respective Cathedralis Nostra Ecclesiæ Osnabrugensis Praeposito & Decano, & in spiritualibus Vicario Nostro generali, salutem in Domino. Venerabiles, Nobiles, doctissime, devoti, Nobis in Christo dilecti, & fidelis. Cum per Nostram gravissimam sollicitudinis publicas occupationes impediatur, quo minus futuræ Synodo, quæ in Civitate Nostra Osnabrugensi, feria tertia post Dominicam Oculi, incidentem in vigesimum diem mensis Martii, ex laudabili majorum nostrorum consuetudine celebrabitur, personaliter interesse & praesidere possimus; Nos vobis, de quorum prudentia, zelo, pietate & legalitate, singularem gerimus fiduciam, praesentium tenore in Domino committimus, ut

dictæ Synodo, Nostro nomine, praesideatis, & Synodales hafce, quas vobis transmittimus, constitutiones promulgari curetis, ac ad eorum observationem Clerum Nostræ Dieccesis debitè admoneatis, & prout juris est, admone-ri faciat, & quicquid Nos in dicta Synodo personaliter agere possemus, Nostro nomine peragatis, infuper etiam illius Synodi acta, & praesentium & absentium nomina ad Nos in scripto referatis. Hæc est seria Nostra voluntas, manu & Sigillo Nostro roborata. Valete in Domino. Datum ex arce Nostra foliæ residentia Episcopalis Iburgensis, decima octava Martii, anno millesimo sexcentesimo vigesimo nono.

**F**RANCISCVS GUILIELMVS,  
Episcopus Osnabrugensis.  
Locus Sigilli subimpressi.

**F**inita lectione Commissionis, Dominus Vicarius, assurgens, signum dedit Reverendo Patribi Wilhelmo Affendorff, Societatis IESV Presbytero, & Ecclesiastice Ecclesiæ Cathedralis, ut is collationem seu orationem Synodalem habebet. qui, pulpitum ascendens, quædam pro temporis & personarum ratione dixit.

Concio Synodali peracta, Reverendissimi & Illustrissimi Episcopi Vicarius, iterum assurgens, praesentes monuit, ut ad lectionem Synodalium Statutorum attenderent. quæ, ex manibus admodum Reverendi Domini Praepositi Cathedralis Ecclesiæ accepta, Reverendus Dominus Conradus Burenus, in eadem Ecclesia Vicarius & Curatus, ex suggestu publicè prelegit.

## SEQVNTVR CONSTITUTIONES SYNODALES.

**F**RANCISCVS GUILIELMVS, Dei & Apostolicæ Sedis gratia Episcopus Osnabrugensis, Praepositus Ratisbonensis, Comes de Wartenberg, & Dominus in Wald, &c. Venerabilibus, Religiosis, Honorabilibus, Nobis in Christo sincere dilectis, atque devotis, Ecclesiæ Nostræ Cathedralis Praeposito, Decano, & Capitulo, omnibusque & singulis Ecclesiæ Colloquiarum, Regularium & Parochialium, Abbatibus, Praepofitis, Decanis, Prioribus, Guardianis, Pastoribus, Rectoribus, Clericis, & personis Ecclesiasticis, quibuscumque nominibus censeantur, aut in quaunque Ecclesiastica dignitate seu functione per Civitatem & Diœcensem Nostras Osnabrugenses constitutis, salutem in Domino. Cum Nos, inter ipsa auspicia inauguralis Nostræ in Civitatem Nostram Osnabrugensem ingressus, atque inter ingruentia un-

decunque molimina motuum bellicorum, nihil magis in votis habuissimus, quam ad sanctam Religionem Catholicam restituendam, corrigendos excessus & reformatos Cleri mores, profliganda vita, virtutesque inferendas, animum intendere, illud ante annum indicte ac singulariter conscripto Synodali congressu egimus, ut generales quædam certæque regulæ, tam ad doctrinam Christianam, Sacramentorum administrationem, & alias functiones Ecclesiasticas, quam ad mores repugnandos, & honestatem, libertatem ac immunitatem Ecclesiasticam reparandam tuendamque pertinentes, in ordinariem redigerentur; quas etiam debitè promulgavimus, publicavimus, confirmavimus, & ut ad omnium & singulorum notitiam devenire possint, prælo commisimus.

**C A P . I.** *De Synodo majore Osnabrugensi typis data, & ejus copia ab Ecclesiasticis procuranda.*

**M** Andamus vero, tenore praesentium, districte & sub arbitraria Nobis pena, omnibus & singulis Prælatis, & aliis in dignitatibus & officiis Ecclesiasticis constitutis, Canonicis, Pastoribus, Curatis, Sacellanis, & aliis Clericis ac beneficiatis quibuscunque, ut, post publicationem hanc typis factam, exemplaria sufficientia hujus Synodi sibi comparent, nec ullus sit, qui non exemplar harum constitutionum Synodalium habeat, diligenter legat & requiritus ostendere possit.

**C A P . II.** *De habitu clericali competente.*

**H** Abitum clericalem, statui, honori & ordini Ecclesiastico convenientem, in multis Ecclesiasticis adhuc desiderari, nec in hoc, tam generalibus sanctionibus canonice, etiam penalibus, quam Prædecessoris Nostræ & Nostris Synodalibus constitutionibus, satisfactum esse, animadvertisimus. Quare iterum post tot monitiones serio mandamus omnibus & singulis, sub pena Iuris & alia Nobis arbitria, ut legum Ecclesiasticarum & jussis Nostris obtempèrent.

**C A P . III.** *De Exequiarum ac funerum Catholicis ritibus reducendis.*

**C** Vræ mortuorum, & piarum Exequiarum antiquitati, utrumque Testamentum suffragatur; magna religione priscis temporibus Christianorum funera sunt curata. Qua ratione Nos etiam volumus, ut eorum funera, qui in vera religione ac cum pietate dormitionem acceperunt, competenti modo ducantur; mandamusque tenore praesentium, ut, in sepultura mortuorum, Catholicæ ritus ac cærenomina veteres in usum iterum revocentur, & secundum Pastorale Romanum exerceantur; neque existimetur superfluum esse aut inane, si mortuis iusta funebria & fiant, quod ea ad mutuam inter nos benevolentiam declarandam, spem resurrectionis profitendæ & excitandam & mortalitatis admonitionem multum valeant.

**C A P . IV.** *De nominibus communicantium & non communicantium in Paschate notandis & exhibendis.*

**C** Vm etiam, ut oves Nostræ, quæque ad ovile gregis Nostræ pertinent, proprius agnoscamus, plurimum Nostræ interfit; volumus, ut singuli Pastores quarumcunque Parochialium Ecclesiæ omni modo fatigant, ut omnium in Paschate confitentium & communicantium nomina, quatenus fieri potest,

ordine, per vicos, plateas, & familias, diligenter notata, intra tres septimanas, à Paschate sequentes, Nobis aut Nostro Vicario in spiritualibus exhibeant; ut etiam non communicantium nomina denotent. Per Paschale autem tempus intelligimus illud, quod à Dominica Lætare usque ad Dominicam in Albis inclusive intercedit; quo tempore omnes Catholici præcepto S. Matris Ecclesiæ satisfacere teneantur.

**C A P . V.** *De nominibus conversorum in Civitate & Diœcesi notandis & exhibendis.*

**I** Tem mandamus, ut eorum qui in Civitate Nostra Osnabrugensi ad fidem Catholicam redeunt, nomina singulis septimanis, in oppidis vero & pagis, singulis mensibus, Nobis aut Vicario Nostro tradantur singulis Curatis, & Religiosis qui confessiones de Nostra licentia vel suorum superiorum excipiunt.

**C A P . VI.** *De Inventario supellectilis sacrae literarum ac monumentorum, & rationibus Ecclesiæ exhibendis.*

**E** X gravibus causis, animum Nostrum ad hoc moventibus, & ne Ecclesiæ Diœcessis Nostræ ornatus & apparatu necessario defertæ permaneant, volumus, ut Pastores, intra mensim ab harum promulgatione sequentem, omnium & singulorum mobilium, Calicum, hierothecarum, Reliquiarum, paramentorum sacerdotalium, corporalium, mapparum & quorūcunque instrumentorum utensilium, & ornamentorum Ecclesiæcorum, legitimum Inventarium ad Nos aut Nostrum Vicarium transmittant. Item designationes literarum, monumentorum ac lirium Ecclesiæ, ac ubi, quomodo, quibus sub custodibus ac custodiis ea conserventur.

Item, quatuor annorum ultimo elapsorum rationes Ecclesiæ cum patiatione & subscriptione tam Pastoris cuiuscunque loci quam eorum qui redditus administrant.

Præterea, ut vos omnes & singuli de Clero Nostro compendium eorum, quæ proxime ad vitam & disciplinam Ecclesiasticam proximique ædificationem pertinent, veluti in speculo compendiosè contueri possitis; volumus, ut singulis confessibus Synodalibus, in fine, ea quæ in Pontificali Romano succincte continentur, Nostro nomine vobis prælegantur; ut sequitur:

F R A T R E S dilectissimi, & Sacerdotes Domini, cooperatores ordinis Nostri estis. Nos, quamvis indigni, locum Aaron tenemus; vos autem locum Eleazar & Ithamari. Nos vice duodecim Apostolorum fungimur, vos ad formam septuaginta duorum Discipulorum estis. Nos Pastores vestri sumus, vos autem

Pasto-

Pastores animarum, vobis commissarum. Nos de vobis rationem reddituri sumus summo Pastori nostro, Domino Iesu Christo, vos de plebibus vobis commendatis. Et ideo, fratres dilectissimi, videte periculum vestrum. Admonemus itaque, obsecramus fraternitatem vestram, ut, quae vobis suggerimus, memoriam commendentis, & opere exercere studeatis. Imprimis admonemus, ut vita & conversatio vestra sit irreprehensibilis. In dominibus vestris suspectae mulieres non cohabitent. Officium vestrum horis certis decantate. Nullus, nisi jejonus, Missam celebret, & non in vestibus communibus, sed sacris & nitidis, amictu, alba, cingulo, manipulo, stola & casula; quae ad alios utsus non serviant. Missas religiose celebrate. Corpus & sanguinem Domini nostri Iesu Christi, cum omni reverentia & tremore sumite. Corporalia mundissima sint. Vasa sacra propriis manibus abluite, & exterigate diligenter. Nulla foemina ad Altare Domini accedat, nec calicem Domini tangat. Altare sit cooperatum mundis linteis, satem tribus diversis. Et desuper nihil ponatur, nisi Reliquiae, ac res sacræ, & pro sacrificio opportuna. Missale, Breviarium, & Martyrologium uniusquisque habeat. Ecclesiæ vestrae bene sint cooperatae, & mundæ. In sacrificiis, sive secretariis, aut juxta Altare majus, sit locus præparatus ad infundendum aquam ablutionis corporalium & vasorum sacrorum ac manuum, postquam sanctum Chrisma aut Oleum catechumenorum vel infirmorum tractaveritis: ibique pendeat vas cum aquâ mundâ pro lavandis manibus Sacerdotum, & aliorum, qui rem sanctam & officium divinum sunt peracturi, & propè linteum mundum, ad illas abstergendum. Atria Ecclesiæ sint bene munita. Nullus, sine scitu & confusu Nostro, per protestatem secularem, Ecclesiam obtineat. Nullus Ecclesiam, ad quam intitulatus est, dimittat, & ad aliam, quæstus gratia, se transferat. Nullus plures Ecclesiæ, sine titulo, & contra sacrorum Canonum dispositiones, nancisci præsumat. Nullatenus, etiam una Ecclesia inter plures dividatur. Nullus extra Ecclesiam in locis non consecratis celebret. Nullus alterius Parochianum, nisi itinerantem, & tunc de Rectoris sui licentia, ad communionem recipiat. Nullus in alterius Parochia, absque proprii sacerdotis licentia, Missam celebret. In celebratione quicunque calicem, & oblata, non circulo aut digitorum vacillatione, ut quidam faciunt, sed junctis & extensis digitis, cruce signet, sicque benedicat. Calix & patena sint aurei vel argentei, non ærei aut aurichalcei, vitrei vel lignei. Quisque Presbyter clericum habeat, vel scholarem, qui cum eo Psalmos cantet, Epistolam & Lectionem legat, & in Missa respondet. Ipse quoque Presbyter infirmos visitet, & reconciliet, & juxta Aposto-

lum propria manu communicet, Oleo sancto inungat. Nullus præsumat tradere communionem laico, aut foeminae, ad deferendum infirmo. Nullus pro baptizandis infantibus sive adultis, aut infirmis reconciliandis, aut mortuis sepeliendis, præmium vel munus exigat. Per negligentiam vestram nullus infans sine Baptismo, & adultus sine communione, pereat. Nullus vestrum sit ebriosus, aut litigiosus. Nullus arma ferat; nullus canum aut avium jocis inserviat; nullus in tabernaculo. Quisque vestrum, quantum sapit, de Evangelio, Dominicino & ceteris festis diebus, suæ plebi annuntiet. Verbum Domini predicate. Curam pauperum, peregrinorum, viduarum & orphanorum habete; ipsosque peregrinos ad prandium vestrum vocate. Estote hospitales, aliis exinde bonum exemplum præbentes. Singulis diebus Dominicis, ante Missam, aquam, qua populus aspergatur, benedicite; ad quod proprium vas habete. Sacra vasa, & vestimenta sacerdotalia, nolite negotiatori, aut tabernario, in pignus dare. Minus digne penitentem, cuiuscunq; rei gratia, ad reconciliationem non adducite, neque ei testimonium perhibete. Vfuræ non exigit. Nullus etiam res, possessiones, aut mancipium Ecclesiæ vendere, commutare, aut quocunque ingenio præsumat alienare. Nullus decimam, ad alium pertinentem, recipiat. Nullus penitentem, carnem manducare, aut vinum bibere invitet, nisi pro eo tunc Eleemosynam fecerit. Quisque fontes baptismales lapideos habeat bene mundos; quos si habere non poterit, vas aliud, ad hoc opus solum deputatum, teneat. Omnibus Parochianis vestris Symbolum Apostolorum, & orationem Dominicam, infundate. Iejunia Quadragesimæ, Quatuor temporum, & alia Ecclesiæ mandata, significare observanda. Ante Quadragesimam quartæ feria populum ad peccatorum confessionem invitare, & confessis juxta qualitatem criminum penitentiam injungite. Tribus temporibus in anno, id est, Nativitate Domini, Pascha, & Pentecoste, omnes fideles accedere ad communionem Corporis Domini nostri Iesu Christi admonete; & ne desit ulla, qui saltem in Pascha communicet. Certis temporibus conjugatos abstinere ab uxoriibus exhortamini. Nullus vestrum rubcis, aut viridibus vel laicalibus vestibus utatur. Diem Dominicam, & ceteras festivitates, absque opere servili, à vespera in vesperam celebrari docete. Cantus & choreas mulierum in atrio Ecclesiæ prohibete. Incantationes super mortuos, nocturnis horis à vulgo fieri consuetas, sub contestatione Dei omnipotentis vetate. Cum excommunicatis nolite communicare. Nec quis vestrum in eorum præsentia celebrare præsumat; quod etiam plebi nunciate. Et nullus ex plebe uxorem domum ducat, nisi

prius nuptiæ temporibus ab Ecclesia permisso  
publicè fuerint celebratae. Quod nullus ad ra-  
ptam vel consanguineam accedat, aut alterius  
Sponsam ducat, omnimodo prohibete. Por-  
carios & alios pastores, saltem Dominica die,  
faciatis venire ad Missam. Patrinos, ut filios  
Symbolum & Orationem Dominicam do-  
ceant, aut doceri faciant, exhortamini. Sacra-  
mentum Eucharistiae, sanctum Chrisma, &  
Oleum Cathechumenorum, ac Sanctum, seu  
Infirmorum, in Ecclesia, in loco mundo, con-  
decenti, & seculo, sub ferâ & fidâ custodia  
diligenter servate. Quique vestrum exposi-  
tionem Symboli, & Orationis Dominicæ, jux-  
ta orthodoxorum Patrum traditiones, penes se  
habeat, easque, atque orationes Missarum &  
Epistolas, Euangelia, & Canonem, bene intel-  
ligat; ex quibus, prædicando, populum sibi  
commisum fedulo instruat, & maximè non  
bene credentem. Introitum Missæ, Oratio-  
nes, Epistolam, Graduale, Euangeliū, Sym-  
bolum, & cætera non secreta, alta & intelli-  
gibili voce proferat; Secreta vero, & Cano-  
nem, morosè & distinctè submissa voce legat.  
Psalmarum verba, & distinctiones, regulariter  
cum canticis confuetis, intelligibiliter pronun-  
ciet. Symbolum S. Athanasi de Trinitate &  
fide Catholica memoriter teneat. Exorcismos,  
& orationes ad Cathecumenos facientes, ac  
reliquas preces super masculum & feminam,  
pluraliter vel singulariter respective, distinctè  
proferat. Ordinem baptizandi, & ad succur-  
rendum infirmis, reconciliationis & commen-  
dationis animæ, & in agendis exequiis defun-  
ctorum, juxta modum Canonicum, observet.  
Exorcismos & benedictiones salis & aquæ  
pertinerent legat. Canticum diurnum & no-  
cturnum sciat. Computum etiam minorem, ad  
inveniendam literam Dominicalem, tempus  
intervallo diei Paschæ & majorum mobilium  
festorum, non ignoret. Volumus autem, Fra-  
tres dilectissimi, quatenus, quæ Nostra per-  
cepisti traditione, bonis studeatis operibus ad-  
implere, præstante Domino nostro Iesu Chri-  
sto, cui cum Patre & Spiritu sancto est honor  
& gloria in sæcula sæculorum, Amen.

*Absoluta lectio Constitutionum, & hujus vite  
clericali compendi, ac nomine ulterius aliquid  
proponente, predictus Dominus Vicarius, seriam  
reiteratam commonitionem diligenter observationis  
prædictorum statutorum, ac Decretorum majoris  
Synodi Osnabrugensis, & aliorum Ecclesiasticorum  
Canonum, ad mores vitam & honestatem Clerico-*

*rum pertinentem, interposuit; deinde, proximam  
Synodus consueto tempore indixit; cui, sicuti &  
alii sequentibus, insinuavit, omnes ex veteri more,  
sine speciali inductione vel citatione, loco & tempo-  
re suo occurvere & interesse debere.*

*Lectis deinde per Notarium nominibus om-  
nium, & absentium singulariter notatis, recitata  
fuit, per Reverendissimi & Illusterrimi Principis  
& Episcopi Vicarium in spiritualibus generalem,  
deprecatio ex Pontificali Romano.*

## ORATIO.

**N**illa est, Domine, humanæ conscientiæ  
virtus, quæ inoffensè possit tuæ voluntati  
judicia experiri; & ideo, quia imperfec-  
tum nostrum vident oculi tui, perfectioni de-  
puta misericors Deus, quod perfecto æquita-  
tis fine concludere peroptamus. te in nostris  
principiis occurforem poposcimus; te in hoc  
fine iudiciorum nostrorum indultorem nostris  
excessibus speramus; scilicet, ut ignorantia  
parcas, errori indulgeas, ut perfectis voris  
perfectam operis efficaciam largiaris; & quia  
conscientia remordente tabescimus, ne aut  
ignorantia nos traxerit in errorem aut præ-  
ceps forsan voluntas impulerit justitiam declinare;  
hoc te poscimus, te rogamus, ut, si quid  
offensionis in hac Synodi celebritate contra-  
ximus, te misérante indulgentiam sentiamus,  
ut in eo, quod soluturi sumus aggregatam  
Synodus, a cunctis primum absolvamus no-  
strorum nexibus delictorum, qualiter & trans-  
gressores veniam, & confitentes tibi subsequar-  
tur remuneratio sempiterna. Per Christum  
Dominum nostrum. R. Amen.

*Subiunctaque Versic.*

v. Salvum fac servum tuum.  
R. Deus meus sperantom in te.

*& orationibus subsequembris:*

**D**eus, omnium fidelium Pastor & re-  
ctor, famulum tuum FRANCISCVM  
GVLIELMVM, quem Pastorem Ecclesie  
Osnabrugensi præfessi voluisti, propitius  
respice; da ei, quæsumus, verbo & exemplo,  
quibus præfessi proficer, ut ad vitam, una cum  
grege sibi credito, perveniat sempiternam.

**O**mnipotens sempiterne Deus, cuius spiri-  
tu totum corpus Ecclesiæ sanctificatur  
& regitur: exaudi nos, pro universis ordinibus  
suplicantes; ut, gratia tuæ munere, ab omni-  
bus tibi gradibus fideliter serviatur. Per Do-  
minum &c. in unitate ejusdem Spiritus san-  
cti Deus..

*cum benedictione ac consalutatione, soluta est Synodus,  
in nomine Domini.*

*Amen.*

S Y N-